

文苑英華卷第二百六

詩五十六

樂府十五

飛來雙白鶴三首

黃鶴一首

烏生八九子一首

烏夜啼六首

烏啼曲二首

烏栖曲篇六首

晚栖烏一首

雉子班四首

射雉詞一首

朱鷺四首

鬪鷄篇五首

鳴鷄篇五首

東飛百勞歌四首

燕三首

野田黃雀行四首

滄海雀一首

雀乳空城中一首

空城雀四首



飛來雙白鶴一作鶴莊子

梁孝元帝

紫蓋學仙成能令吳市傾逐舞隨踈節聞琴應別聲集田  
遙赴影隔霧近相鳴時從洛浦渡飛向遼東城

同前

吳邁遠

可憐雙白鶴一作雙雙絕塵氛連翮弄光景交頸想

青雲逢羅復逢繳雌雄一旦分哀聲流海曲孤叫出江濱

豈不慕前侶為爾不及群步步一零淚千待君樂哉新相

知悲來生別離持此百年命共逐寸陰移譬如空山草零

落心自知

同前

虞世南

飛來雙白鶴奮翼遠凌煙俱棲集紫蓋一舉背青田颺影

過伊洛流聲入管絃鳴儔一作倒景外刷羽閬風前映海

疑浮雪拂澗瀉飛泉燕雀能知一作蟬不識還何言別儔

侶從此間山川顧步已相失徘徊反自憐危心猶驚露哀

響詎聞天無因振六翮輕舉復隨仙

黃鶴

沈佺期

黃鶴佐丹鳳不能群白鷗拂雲遊四海弄影到三山遙憶  
君軒上來下天地間明珠世不重知有報恩環

鳥生八九子

劉孝威

城上鳥一年一作生子八九雛枝輕巢本狹風多葉早枯毳毛

不自暖張翼強相呼金析嚴兮翠樓蕭蜃壁光兮椒泥馥

虞機衡網不得施猜鷹鷲隼無由逐永願共棲魯氏觀同

一作唐

瑞周王屋莫啼城上寒猶賽野中宿羽成翮備各西東丁  
年賦命有窮通不見高飛啼輦側遠託日輪中尚逢王吉  
箭猶嬰后羿弓豈知變彩救燕質入夢祚昭公流聲表師  
退集幕示營空靈臺已鑄像流蘇時候風

烏夜啼

梁簡文帝

綠草庭中望明月碧玉堂裏對金鋪鳴絃撥淚發初異挑  
琴欲吹衆曲殊不疑三足朝含影直言九子夜相呼羞言  
獨眠枕下淚託道單栖城上烏

同前

劉孝綽

鷓絃且輟弄鶴操暫停揮別有啼鳥曲東西各自飛倡人  
怨獨守蕩子殊未歸忽聞生離唱一作曲中一作長夜泣羅衣

一作遊 一作微 一作相背

同前

庾信

促柱繁絃非子夜歌聲舞態異前溪御史府中何處宿洛  
陽城頭那得棲彈琴蜀郡卓家女織錦城頭劉一作秦氏  
妻詎不自驚長渡洛一作淚到處一作道啼鳥何處一作恆夜啼

同前

前人

桂樹懸知遠風竿詎肯低獨憐明月夜孤飛猶未棲虎賁  
誰見惜御史詎相携雖然一作言入絃管終是曲中啼

同前

李白

姑蘇臺上烏棲時吳王宮裏醉西施吳歌楚舞歡未畢青  
山猶銜半邊日銀箭金壺漏水多起看秋月墮江波東方  
漸高柰爾何

一作金 一作壺 一作丁 一作墜 一作樂

同前

劉商

透林啞啞驚復栖含烟碧樹高枝低月明露濕枝亦滑城  
上女牆西月低啼愁人出戶聽烏啼團團明月墮墻西月中  
有桂樹日中有伴侶何不上天去一聲啼到曙

烏啼曲

顧况

玉房掣鎖聲翻葉銀箭添泉霜遶一作蝶畢逋撥刺日一作  
月銜城八九雛飛其母驚此是天上老鷓鳴我聞一作老  
鷓無此聲搖風雜珮耿華燭夜聽羽人彈此曲東方曠曠  
赤日旭

同前贈張評事

楊巨源

可憐楊葉復楊花雪淨煙深碧玉家烏棲不定枝條弱城

頭夜半聲啞啞浮萍流一作搖蕩門前水任骨芙蓉莫墮

沙

烏栖曲四首

梁簡文帝

接翻同發燕孤飛獨向楚值雪已迷群驚風復失侶

二

青牛丹轂七香車可憐今夜宿倡家倡家高樹烏欲栖羅

帷翠被向一作任君低

三

浮雲似帳月成一作如鈎那能夜夜南陌頭一作宜城醞酒

今夜一作宜城一作行熟莫惜停鞍一作繫馬斲栖宿

四

一作翠帳

一作良夜 一作曠曠

一本疊一聲二字

織成屏風金屈膝朱唇玉面燈前出相看意思望君憐誰能含羞不向前

鳥栖篇二首

蕭子顯 梁元帝

幄中清酒瑪瑙鍾裙邊雜珮琥珀龍欲虛一作持寄心君一作心不惜共指三星今何夕

二

濃黛輕紅點花色還欲令人不相識金壺夜求誰一作此夜誰又

作夜能多過一作莫恃持一作奢用此比一作懸河

晚栖鳥

梁元帝

日暮連翩翼俱向上林栖風多前鳥駛雲暗後群迷路遠

聲難徹飛斜行未齊應從故鄉返幾過入蘭閨借問倡樓

妾何如蕩子啼

雉子班

吳均

可憐雉子班群飛集野甸文章始陸離音氣已驚狷幽并

遊俠子直心亦如箭生死一作以死又作死節報君恩誰能孤恩

同前

張正見

陳倉雉未飛歛翻依芳甸朱冠色尚淺錦臆毛初變雉麥

且專場排花聊勇戰唯當度弱水不怯如臯箭

同前

毛處約

春物始芳菲春雉正相追澗響連朝雉花光帶錦衣竄跡

時移影驚媒或亂飛能使如臯路相追巧笑歸

同前

江惣

一作琥珀

一作鳥

一作

麥壟新秋來澤雉髮徘徊依花似叶如拂草乍驚媒三春  
桃照李二月柳爭梅暫往如臯路當令巧笑開

射雉詞

儲光羲

曝暄理新翳迎春射鳴雉原田遙一色臯陸曠千里遠聞  
咿喔聲時見雙飛起慕歷踈蒿下筴穗深麥裏顧敵乃忘  
生爭雄方決死仁心貴勇義豈復能傷此超遙下故墟迢  
迢迴高時大夫昔何苦取笑歡妻子

一作

朱鷺

梁王僧孺

因風弄玉水映日上金堤猶持畏羅繳未得異鳧鷺聞君  
愛白雉兼同重碧鷄未能聲似鳳聊變色如珪願識昆明  
路乘流飲復棲

一作

同前

裴憲伯

秋來懼寒勁歲去畏冰堅群飛向葭下奮羽欲南遷暫戲  
龍池側時往鳳樓前所歎恩光歇不得久聯翩

同前

張正見

金堤有朱鷺刷羽望滄瀛周詩振雅曲漢鼓發奇聲時將  
赤鴈並乍逐彩鷺行別有翻潮處異色不相驚

同前

蘇子卿

玉山一朱鷺容與入王畿欲向天池飲還遶上林飛金堤  
曬羽翻丹水浴毛衣非貪葭下食懷恩自遠歸

鬪雞

梁簡文帝

歡樂良無已東郊春可遊百花非一色新田多異流龍尾

赴一作

橫津漢車箱起戍樓玉冠初驚敵芥羽忽猜傳十日嬌既

同前

梁孝威

卅雞翠羽張妬敵復得一作專場翅中含芥粉距外耀金芒

氣踰上黨列名貴一作下講良祭橋愁魏后食距忌齊王

願賜淮南藥一使雲間翔

鬪雞東郊道

陳楮珍

春郊鬪雞侶捧敵兩逢迎妬一作群排袖出帶勇向場驚

錦毛侵距散芥羽雜塵生還同戰勝罷耿介寄前鳴

看鬪雞

後周王褒

蹊蹠始橫行意氣欲相傾妬敵金芒起猜群芥粉生入場

疑桃戰逐退似追兵誰知函谷下人去獨開城

寒食鬪雞

杜淹見雜詠

寒食東郊上楊講競出籠花冠初照日芥羽正生風顧敵

知心勇先鳴覺氣雄長翹頻拂陣利距屢通中飛毛遍綠

野洒血清芳叢雖然百戰勝會自不論功

雞鳴高樹巔

梁簡文帝

碧玉好承名倡夫婿侍中郎桃花全覆井金門半隱堂時欣

一來下復比雙鴛鴦雞鳴天尚早東烏定未光

晨雞高樹鳴

張正見

晨雞振翮鳴出迴檀竒聲蜀郡隨金馬天津應玉衡摧冠

驗遠石集作繫火用江出連營爭棲斜揭暮解翼橫飛度

此一作好一作

散一作

一作  
低

試飲淮南藥翻上仙都樹枝低且候潮葉淺還承露枝低  
觸嚴霜葉淺向朝陽猜群怯寶劍勇戰出花場尚損黃金  
距誰論白玉璫長鳴逢晉帝恃氣遇周王流名說魯國分  
影入陳倉不復愁符郎猶能感孟嘗

賦雞鳴篇

隋岑德潤

鍾響應繁霜晨雞錦臆張簾迴猶侵露枝高已映光排空  
下朝揭奮翼上花場雨晦思君子關開脫孟嘗既得依雲  
外安用集陳倉

雞鳴曲

李廓

星稀月沒入上一作五更膠角角雞初鳴征人牽馬出門  
立辭妻一作欲向長安一作行再鳴引頸簷頭下樓一作

中角聲催上馬總分地色第三鳴旌旆紅塵已出城婦人  
上城亂招手夫壻不聞遙哭聲長恨雞鳴別時苦不遣雞  
栖近窓戶

同前

陳陶

雞聲春曉上林中一聲驚落蝦蟇宮二聲喚破枕邊夢三  
聲行人煙海紅平日慵將百雞語蓬鬆錦繡當陽處媿君  
飲食長相呼為君晝鳴下高樹

東飛百勞歌

梁武帝

東飛百勞西飛燕黃姑織女時相見誰家兒女對門居開  
顏發艷照里閭南窓北牖桂月光羅帷綺帳脂粉香女兒  
年幾十五六窈窕無雙顏如玉二春已暮花從風空留可

一作  
明

一作  
來

一作  
旗



憐誰與同

同前 一作擬古

辛得源

含歡芳樹連理枝荆王神女乍相隨誰家妖艷蕩輕舟含  
嬌轉瞬一作面騁風流犀柅蘭橈翠羽蓋雲羅霧縠蓮花帶  
女兒年幾十六七玉面新粧映朝日落花從風俄度春空  
留可憐何處新

此詩二百五卷重出今已削去注異同為一作

同前

張柬之

青田白鶴卅山鳳婺女嫦娥兩相送誰家絕世綺帳前艷  
粉芳脂映寶鈿窈窕玉堂寒翠幕參差繡戶懸珠箔絕世  
三五愛紅粧治袖長裾蘭麝香春去花枝俄易改可歎年  
光不相待

擬古東飛百勞西飛燕

李嶠

傳書青鳥迎簫鳳巫嶺荆臺數通夢誰家窈窕住園樓五  
馬千金照陌頭羅裙玉珮當軒出點翠施紅競春日佳人  
二八盛舞歌羞將百萬呈雙娥庭前芳樹朝夕改空駐妍  
華欲誰待

鸞鷲于飛

江惲

二月春暉暉雙鷲理毛衣銜花弄蕊靡拂葉隱芳菲或在  
堂間戲多從幕上飛若作仙人履應向日南歸

雙燕離

沈君攸

雙鷲雙飛雙情相思容色自故心心不衰雙入幕雙出闌

一作

白文

一作

一作

一作

一作  
已作  
故心

一作秋風去春風歸幕上危雙鸞離街羽一別涕泗垂夜  
夜孤飛誰相知左廻右顧還相慕翩翩桂水不忍度懸目  
掛心思越路縈鬱推折折意終字有不洩願作孤鸞鏡中絕一作  
鏡鸞相  
對絕

同前

李白

雙燕復雙燕雙飛令人羨玉樓珠閣不獨棲金窓繡戶長  
相見栢梁失火去因入吳王宮吳宮又焚蕩維盡巢亦空  
顛顛一身在媼雌憶故雄雙飛難再得傷我寸心中

野田黃雀行

蕭轂

弱軀慙彩飾輕毛非錦文不如一作知一作鳴鶴一作志非是鳳

鳳群作風隨濯雨入曲應玄雲空城舊侶絕滄海故朋分

寧死明珠彈且避鷹將軍

同前

李白

遊莫逐炎洲翠棲莫近吳宮燕吳宮火起焚爾窠炎洲逐  
翠遭網羅蕭條兩翅蓬蒿下一作雖一作縱一作有鷹鷂柰爾一作何

同前

儲光羲

噴噴野田雀不知軀體微閑穿踈蒿下一作深一作爭食復爭

飛窮老一犢一作頽一作舍棗多桑樹稀無棗亦何一作食無桑

何以衣蕭條穿蒼暮相引時來歸斜路豈不捷渚田豈不

肥水漲路且壞惻惻與心違

田野雀

一作野田  
黃雀行

僧貫休

高樹風多吹爾巢落蒿深一作深一作葉暖宜爾依泊莫近鷓類

集作

一作

一作  
空  
一作  
邪  
一作  
諸  
長

一作  
穿人

蛛網亦惡飲野田之清水食野田之黃粟深花中睡敦土  
一作裏浴如此即全勝啄太倉之穀而穿人之屋

滄海雀

張率

大雀與黃口來自滄海區清晨啄原粒日夕歸一作野株

雖憂鷲鳥擊長懷沸鼎虞况復隨時起一作翻飛不可初

寄言挾彈子莫賤隋侯珠

雀乳空城一作中

劉孝威

遠去條支國心知漢德休一作聊棲丞相府過令黃霸羞

挾子湏閑池空井共尋求鞭轡絲綆絕桔槔金一作蘇稠

將憐羽翼長誰辭各背遊

空城雀

李白

嗷嗷空城雀身計何戚促本與鷦鷯群不隨鳳凰族提携

四黃口飲乳未嘗足食君糠粃餘常恐烏鳶逐一作耻涉

太行險蓋營覆車粟天命有定端守分絕所欲

同前

劉駕

飢啄空城土莫近太倉粟一粒不一作充腸却入小人一作

子腹且弔城下一作客豈曾空一作爾族不聞莊辛語

今日寒蕪綠

同前

陳陶

古城濛濛花覆水昔日住人今住鬼野雀荒臺遺子孫千

年飲啄枯桑根不隨海鷲栢梁去應無玉環銜報恩近村

紅粟香壓枝嗷嗷黃口訴朝饑生來未見鳳凰語欲飛常

文苑英華卷第二百六  
怕蜘蛛絲斷腸四隅天四絕清泉綠蒿無恐疑

同前

羅隱

雀入官倉中所食能損幾所慮往復頻官倉乃害爾魚網不在天鳥網不張水飲啄要自然何必空城裏

文苑英華卷第二百六

登仕郎胡柯 鄉貢進士彭叔夏 校正

戊寅正月二十日校完本訂正一百七十四字藏園

文苑英華卷第二百六

詩五十七

文苑英華卷第二百七

樂府十六

梁甫吟三首

白頭吟三首

遊子吟五首

妾薄命九首

妾安所居一首

宛轉歌三首

古興九首

古曲一首

古歌一首

古詞五首

梁甫吟

陸瓊

臨淄佳麗地少小習名倡似笑唇朱動非愁眉翠楊掩柳隨竿轉和柔會瑟張輕扇屢迴指飛塵亟遶梁寄言諸葛相此曲作難忘

同前

沈約

龍駕有馳策日御不無一作停陰星籥亟迴變氣化坐盈侵

寒花稍耿耿秋海一作塞日沉沉高窓仄一作灰餘火傾河駕

騰參颺風折暮草驚籜一作竿賈層林時雲靄空遠年冰一作

水結清深奔樞豈易組殊庭不可臨懷仁每多意履順孰

能禁露清一惟足一作促緩志且移心哀歌步梁甫歎絕有遺吟

一作音

同前

李白

長嘯梁甫吟何時見陽春君不見朝歌屠叟辭棘津八十

西來釣渭濱寧羞白髮照清一作綠水逢時吐一作壯氣思經

綸廣張三千六百鈎一作鈎風期暗與文王親大賢虎變愚

才測當年頗似尋常人又一作君不見高陽酒徒起草中長

揖山東隆準公入門開說一作不拜騁雄辯兩女輟洗來趨風

東下齊城七十二指旄楚漢如旋蓬往坐落魄見壽食尚

如此何況壯士當群雄我欲攀龍見明主雷公砰訇震天

鼓帝旁投壺多玉女三時大笑生一作開電光倏爍晦冥起

風雨闐闐九門不可通以額叩關闔者怒白日不照吾精

誠杞國無事憂天傾契偷磨牙競人肉騶虞不折生草莖

手接飛猱搏彫虎側足焦原未言苦智者可卷愚者蒙世

人見我輕鴻毛力排南山三壯士齊相殺之用一作費二桃

吳楚弄兵非一作無劇孟亞夫哈爾為徒勞梁甫吟聲正悲

張公兩龍劔神物合有時風雲感會起屠釣天一作人峴

阮當安之

白頭吟

張正見

平生懷直道一作首松桂比真一作貞風語默妍媸際沉浮毀

譽中讒新恩易盡情去寵難終彈珠金市側抵玉泰山東

含香老顏駟執戟異楊雄惆悵崔亭伯幽憂馮敬通土媿

沒故胡一作塞班女棄深宮春苔封履跡秋葉奪粧紅顏如

花落槿鬢似雪飄蓬此時積一作即長歎少一作傷年誰復同

同前

劉希夷文粹作宋之問

洛陽城中桃李花飛來飛去落誰家洛陽一作幽州女兒好顏

色行逢落花長歎息今年花開顏色改明年花開復誰在

已見松栢摧為薪更聞桑田變成海故人無復洛陽東

日還對落花風年年歲歲花相似歲歲年年人不同寄言

全盛紅顏子應憐半死白頭翁此翁白頭真可憐伊昔憶惜紅

顏美少年光祿池臺文錦繡將軍樓閣盡神仙公子王孫

芳樹下清歌妙舞落花前一朝卧病無相識三春行落在

誰邊宛轉蛾眉能幾時須臾鶴髮亂如絲但看古來歌舞

地唯有黃昏鳥雀飛悲飛一作

同前

李白

錦水東碧流波蕩雙鴛鴦雄鷲巢漢宮月雌弄春草芳寧同

萬死碎綺翼不忍雲間兩分張此時阿嬌正嬌妬獨坐長

門愁日暮但願君恩顧妾深豈憚黃金買詞賦相如作賦

得黃金丈夫好新多異心一朝將聘茂陵女文君因贈白

春一作

真一作

人一作在一作

白一作

北一作樹一作

惜一作

一作故

一作或

一作時見

一作銀

一作蜻

一作問

一作秋

一作冷

一作奇

頭吟東流不作西歸水落花辭條羞故林兔絲本無情隨  
 風任傾倒誰使女蘿枝而來強縈抱兩草猶一心人心不  
 如草莫卷龍鬚席從他生網絲且留琥珀枕曾有夢來時  
 覆水再收豈滿杯棄妾已去難重廻古來得意不相負只  
 今唯有青陵臺

遊子吟

顧况

故攬思疲馬故窠思迷禽浮雲蔽我鄉躑躅遊子吟遊子  
 悲久滯浮雲鬱東岑客堂無絲桐落葉如秋霖黯哉遠遊  
 子所以悲滯滯一為浮雲詞憤塞誰能禁馳歸一作百年  
 內唯願展所欽胡為不歸歟坐使年病侵未老霜透鬢非  
 狂火燒心太行何難哉北斗不可斟夜靜星河出耿耿辰

與參佳人負青天尺素重於金次寥群動異眇默諸境森  
 苔衣上閑階蟋蟀催寒碓立身計幾悞道險無容針三年  
 不還家萬里遺錦衾夢魂無重阻離憂一作因古今胡為不歸  
 歟辜負匣中琴腰下是何物牽纏曠登尋朝與名山期夕  
 宿楚水陰楚水殊演漾名山宵嶮嶽客從洞庭來婉變瀟  
 湘深橘柚在南國鴻鴈遺其音下有碧草洲上有青橘林  
 引燭窺洞穴凌波睥天琛蒲河影參差鳧鶴離淋漆浩歌  
 惜芳杜散髮輕華簪胡為不歸歟淚下沾衣襟鳶飛戾霄  
 漢螻蟻制鱣鱓赫赫大聖朝日月光照臨聖主雖啓迪吾  
 人分湮沉層城登一作發雲韶一作玉府鏘球琳鹿鳴志豐  
 草况復虞人箴

過逢一作貴  
銅鏡一作謂

同前

李益

女羞夫婿薄客耻主人賤遭遇同衆流低回愧相見君非  
青銅鏡何事空照面莫以衣上塵不爲心如練人生當榮  
盛待士勿言倦君看白日馳何異弦上箭

同前

孟郊

慈母手中線遊子身上衣臨行密密縫意恐遲遲歸誰言  
寸草心報得三春暉

同前

陳陶

長安一作

栖鳥喜林曙驚蓬傷歲闌關河三尺雪何處是天山朔風  
無重衣僕馬饑且寒慘戚別妻子遲回出門難男兒值休  
明豈是長泥蟠何者爲木偶何人待金鑿鬱鬱守貧賤悠

宋本以上缺取  
明鈔本補校凡  
三葉又半

悠亦無端進不圖功名退不處巖巖窮通在何日光景如  
跳丸富貴苦不早令人摧心肝誓期春之陽一振摩霄翰

同前

聶夷中

萱草生堂階遊子行天涯慈親倚門堂不見萱草花

妻薄命篇

梁簡文帝

名都多雅麗一作麗質本自恃容姿蕩子行不一作未至秋胡無

定期玉貌歇紅縷一作臉長嘯慣翠眉奩鏡迷朝色針縫一作

纖脆故絲本異搖舟咎何關竊虎疑生離誰拊背溘死詎

來遲玉嬌貌本絕跟踏入氈幃盧姬嫁日晚非復妙一作少

年時轉山猶可逐一作遂烏白望難期妾心徒自苦傍人會

見噉

串一作



同前

劉孝威

去年從越障一作障今歲沒胡庭嚴霜封碣石驚沙暗井陘

玉簪久落鬢羅衣長掛屏浴蠶思沫一作漆水挑桑憶鄭峒

寄書朝鮮吏留劔武安亭勿言戎夏隔但令一作念心契冥

不見豐城劍千祀復同形

同前

劉元淑

自從離別守空閨遙聞征戰赴一作起雲梯夜夜相思一作思君

又作遼海北一作外年年拋一作棄妾渭橋西陽春白日照空

暖紫燕紅一作倚花向庭浦彩鸞琴裏怨聲多飛鵲鏡前梳

粧斷誰家夫婿久一作不從征應是漁陽別有情莫道紅顏

燕地少家家還似洛陽城且逐新人殊未歸還令秋至夜

霜飛北斗星前橫旅一作度鴈南樓月下擣寒衣更一作夜深

聞鴈腸欲絕獨夜挑燈燈復滅暗啼羅帳空自憐夢度陽

關向誰說每吟一作憐容貌宛如神何其一作如何薄命不如人

願君朝夕燕山至好作明年楊柳春

同前

李白

漢帝重阿嬌貯之黃金屋咳唾落九天隨風生珠玉寵極

愛還歇妬深情却踈長門一步地不肯暫回車雨落不上

天覆水最難一作難再收君情與妾意各自東西流昔日芙蓉

花今成素秋草以色事他人能得幾時好

同前

權得輿

昔住邯鄲年尚少只是嬌羞弄花鳥青樓碧紗大道邊綠

一作章的

一作獨坐縫衣燈又滅

一作勝

又作難重

一作斷根

楊日暮風裊裊嬋娟玉貌二八餘自矜一作憐顏色花不如  
麗質全勝秦氏女葦碁寧用專城居歲去年來年漸長青  
蛾一作春紅粉全堪賞玉樓珠箔但閑居南陌東城詎來往  
韶光日月看漸遲標梅既落行有時寧知燕趙娉婷子翻  
嫁幽并游俠兒年年結束青絲騎出門一去何時至秋月  
空懸翡翠簾春幃懶卧鴛鴦被沙塞經時不寄書深閨愁  
獨意何如花前拭淚情無限月下調絃一作琴恨有餘別離  
苦多相見少洞房愁夢何由曉閑看雙燕淚霏霏靜對空  
床夢悄悄鏡裏紅顏不自禁陌頭香騎動春心爲問佳期  
早晚是人人總解有黃金

同前

孟郊

不惜十指弦爲君千萬彈常恐新聲至

一作發

坐使故聲殘

一作持

一作使我

棄置今日悲即是昨日歡將新變故易將故爲

新難青山有藤蕪淚葉常不乾空令後世

一作代

人采掇幽

思攢

一作思幽蘭

同前

曹鄴

薄命常惻惻出門見南北劉郎馬蹄疾何處去不得淚珠  
不可收蟲絲不可織知君綠桑下更有新相識

同前

盧綸

妾年初二八兩度嫁狂夫薄命今猶在堅貞掃地無

同前

孟郊

薄命頭欲白頻年嫁不成秦娥未十五昨日事公卿豈有

一作夜

機杼力空傳歌舞名妾專脩婦德媒氏却相輕

妾安所居

曹鄴

賤妾先無寵蛾眉進不遲一非西北麗無復南城期何因  
暫艷逸豈為乏妍姿徒有黃昏望寧遇青樓時唯惜應門  
掩方除永巷悲匡床終不共何由橫自私

宛轉歌

徐陵郭茂倩樂府作江總

七夕天河白露明八月濤水秋清一作風驚樓中恒聞哀曲

響塘上復有苦辛行不解何意悲秋氣直置一作致無秋悲

自生不怨前階促織鳴偏愁便路擣衣聲別燕差池自有

返離嬋寂寞詎含情雲聚合一作懷情四望臺月冷相思九

重觀欲題芍藥詩不成來採芙蓉花已散金樽送曲蕩娥

起玉柱調絲一作楚妃勸翠眉結恨不復開寶鬢迎

秋度一作風前亂相妃拭淚洒貞筠行樂翫花一作笑何處

人步步香飛金薄履盈盈扇掩珊瑚唇已言採桑期陌上

復能解佩就江濱競入華堂耍花枕爭開羽帳奉華茵不

惜獨眠前下鈞一作鈞欲許便作後來新後來暝暝同匡一作

玉床可憐顏色無比方誰能巧笑時一作特窺井乍取新聲

學遶梁宿處留嬌墮黃珥鏡前含笑弄明璫卷菴摘心心

不盡茱萸折葉葉更芳已聞能歌洞簫賦詎是故愛邯鄲

倡

擬古神女宛轉歌二首

崔液郭茂倩作即大家宋氏

風已清月朗琴復鳴掩抑悲千態殷勤是一聲歌宛轉宛

轉和更

一作且

長願爲雙鴻鵠比翼共翱翔

二

日已暮長簷鳥應度此時望君君不來此時思君君不顧  
歌宛轉宛轉那能異棲宿願爲形與影出入恒相逐

古興二首

沈徽

蔓草自細微女蘿始天天黃綠至百尺榮耀非一朝惠色  
高碧嶺流芳薄丹青如何摧秀木正爲餘波漂莖朝一作葉  
落岩跡英蕤從風颭洪柯不足恃况乃託陵茗

二

長門

一作安

富豪右信是天下樞戚里笙歌發禁門冠蓋趨

攀雲無愧士唾地盡成珠日晏下雙闕煙花亂九衢恩榮  
在片言零落亦須臾何意還自及曲池今已無

同前三首

寇坦毋趙氏

鬱蒸更將半暑氣煽飛閣驟雨蒲空來當軒卷羅幕度雲  
開夕霽宇宙何清廓明月流素光輕風換炎鏢孤鷺傷對  
影寶瑟悲別鶴君子去不還搖心欲何託

二

金菊延清霜玉壺多美酒良久

疑作人

猶不歸芳菲豈常有

不惜芳菲歇但傷別離久含情罷斟酌凝怨對窓牖

三

霽雪舒長野寒雲半幽谷嚴風振枯條猿啼抱冰木所嗟  
遊宦子少小荷天祿前程未云至悽愴對車僕歲寒成詠

歌日暮棲林樸不憚行險道空悲年運促

同前

常建

轆轤井上雙梧桐飛鳥啣花日將沒深閨女兒莫愁年玉  
脂泠泠怨金碧石榴裙裾蛺蝶飛見人不語顰蛾眉青絲  
紅絲雜綠絲織成錦衾當為誰

同前

薛據

日中望雙闕疑軒蓋揚飛塵鳴珮初罷朝自言皆近臣光  
華滿道路意氣安可親歸來宴高堂廣筵羅八珍僕妾盡  
綺羅歌舞夜達晨四時固相代誰能久要津已看覆前車  
未見易後輪丈夫須燕濟豈得樂一身君今皆得志肯顧  
顛顛人

同前

李嘉祐

十五小家女雙鬟人不知一作如娥眉暫一見可直千萬資  
一作金餘自從得向蓬萊裏出入金輿乘玉趾梧桐樹上春鷓  
鳴曉伴君王猶未起莫道君恩長不休婕妤團扇苦悲秋  
君看魏帝鄴都裏唯有銅臺漳水流

同前

聶夷中

片玉一塵輕粒粟山丘重唐虞貴民食祇是勤播種前聖  
後聖同今人古人共一歲如苦饑金玉何所用集作將何用

古曲

王褒

青樓臨大道遊俠盡淹留陳王金被馬秦女桂為鈞馳輪  
洛城巷闕雞南陌頭薄暮飛塵起聊為清夜遊

古歌

沈佺期

落葉流風向玉臺寒缸一作夜愁思洞房開水晶簾外金

波下雲母窓前銀漢廻玉階陰陰苔蘚色君王履綦難再

得旋一作閨窈窕秋夜長繡戶徘徊明一作月光燕姬綵

帳芙蓉色秦子金爐蘭麝香北斗七星橫夜半清歌一曲

斷君腸

古詞

衛象

鵲血調弓濕未乾鷓鴣新淬劍光寒遼東老將鬢成雪猶

向旄頭夜夜看

同前三首

于鵠

素絲帶金地窓間掬飛塵偷得鳳凰釵門前乞行人

二

新長青絲髮啞啞言語黯隨人敲銅鏡街頭救明月

三

東家新長兒與妾同時生竝長兩心孰到大相呼名

同前

曹鄴

高闕礙飛鳥人言是君家經年不歸去愛妾面生花妾面

雖有花妾心非女蘿即君不自重重一作妾欲如何

文苑英華卷第二百七

登仕郎胡柯 鄉貢進士彭 叔夏 校正

此卷以宋本對勘訂正六十六字正月二十一日

卷首三葉半宋本原缺以明鈔本補校改正一百單三字

正月二十四日藏園老人記

文苑英華卷第二百七

文苑英華卷第二百八

詩五十八

樂府十七

陌上桑三首

採桑八首

折楊柳十六首

梅花落十首

殿前生桂樹一首

芳樹十一首

採蓮十六首

採菊一首

採菱三首

青青河畔草二首

陌上桑

吳筠

娟娟陌上桑蔭陌復垂塘長條映白日細葉影一作鷓鴣黃

蠶饑妾復思拭淚且提筐一作寧知此離恨煎人腸

同前

王均

人傳陌上桑未曉已含光重重相蔭映軟弱一作軟自芬芳  
秋胡始倚一作停馬羅敷未滿筐春蠶朝已老一作伏安得久  
彷徨

同前

李白

遊女綉綺衣春還事蠶作五馬如花飛青絲結金絡不知  
誰家子調笑來相譖妾本秦羅敷玉顏艷名都綠條映素  
手採桑向城隅使君且不顧况復論秋胡寒蠶愛碧草鳴  
鳳棲青梧託心自有處但恠傍人愚徒勞一作令白日暮高  
駕空踟躕

採桑

梁簡文帝

春色映空來先發水一作院邊梅細萍重疊長新花歷亂開

連理傍淇水

一作連理院

接憶至蕞臺蕞臺可憐妾當窓望

飛蝶忌跌行衫領熨斗成裙攝

一作褫攝

下牀著珠珮捉

鏡安花鑷薄晚畏蠶饑競採春桑葉寄語採桑伴訝今春

日短枝高手不及葉細籠難滿年年

一作年少將使君歷亂遣

相聞欲知琴裏意還贈錦中文何當照梁日還作入山雲

重門皆已閉方知客留袂可憐黃金絡復似青絲繫必也

爲人持誰令畏夫婿

同前

傅緯

羅敷試採桑出入城南傍裙裾

一作綺映珠珥絲籠

一作繩提

玉筐度身攀葉聚踈腕及枝長空勞使君問自有侍中郎

同前

張正見



春樓曙鳥驚蠶妾候初晴迎風金珥落白日玉釵明徙顧  
移籠影攀鈎動釧聲葉高知手弱枝軟覺身輕人多羞借  
問年少却逢迎恐疑夫壻遠聊復答專城

同前

劉邈

倡妾一作女不勝愁結束下青樓逐伴西城路相携南陌頭

葉盡時移樹枝高乍易鈎絲繩挂一作提且脫金籠寫仍一作

復收蠶饑日欲暮誰一作詎爲使君留

同前

沈君攸

南陌落光移蠶妾畏桑萎逐便牽低葉爭多避小枝摘駛  
籠行蒲攀高腕欲疲看金怯舉意求心自可知

同前

劉希夷

楊柳送行人青青入西秦秦家採桑女樓上不勝春盈盈

灞池一作水曲步步春芳綠紅臉曜明珠絳唇含白玉迴首

渭橋東遙憐樹色同青絲映日落一作落綺弄春風勢

籠長歎息逶遲一作迤戀春色看花若有情倚樹疑無力薄

暮思悠悠使君南陌頭相逢不相識歸去夢青樓

同前

李彥遠

採桑畏日高不待春眠足攀條有餘態那矜一作隣貌如玉

千金豈不贈五馬空躑躅何以變真性幽篁雪中綠

同前

江遵

爲報踟躕陌上郎蠶饑日晚妾心忙本來若愛黃金好不  
肯携籠自採桑

折楊柳

梁簡文帝

郭茂倩樂府作柳

楊柳亂如絲攀折上春時葉密鳥飛礙風輕花落遲城高  
短簫發林空畫角悲曲中別無一作無別意併為一作是一相思

同前

梁孝元帝

巫山一作高山巫峽長垂柳復垂楊同心且一作宜同折故人懷

故鄉山似蓮花艷流如明月光寒夜猿聲徹遊子淚沾裳

同前

徐陵

嫋嫋河堤樹依依魏主營江陵有舊曲洛下作新聲妾對  
長楊苑君登高柳城春還應共見蕩子太無情

同前

岑敬之

將軍始見知細柳繞營垂懸絲拂城轉飛絮上宮吹塞門  
交度葉谷口暗橫枝曲城攀折處唯言怨別離

同前

王瑳

塞外無春色上林柳已黃枝影侵宮暗葉彩亂星光陌頭  
藏戲鳥樓上掩新粧攀折思為贈心期別路長

同前

江總

萬里音書絕千條楊柳結不誤一作悟倡園花遙同故里一作  
天嶺雪春心自浩蕩春樹聊攀折共此依依情無奈年年別

同前

楊炯

邊地迷一作遙無極征夫去不還秋容彫翠羽別淚損紅顏

望斷流星驛心馳明月關藁砧何處在楊柳自堪攀

同前

盧照隣

倡樓啓曙扉園柳正依依鸞鳥一作鳴知歲隔條變識春歸  
露葉凝愁黛一作啼臉風花落一作亂舞衣攀折將安一作寄軍

中音一作書信稀

同前

沈佺期

玉窓朝日映羅帳春風吹拭淚攀楊柳長條匝地垂白花  
飛歷亂黃鳥度參差妾自肝腸斷傍人那得知

同前

鄭惜

青柳映紅顏黃雲蔽紫關傳聞邊信出枝葉為君攀舞腰  
愁欲斷春心望不還風花亂成雪羅綺淚班班

同前

喬知之

可憐濯濯春楊柳攀折將來就纖手妾容與此同盛衰何  
必君恩能獨久

同前

張九齡

纖纖折楊柳持取寄情人一枝何足貴憐是故園春遲景  
那能久流芳不及新更愁征戍客容鬢老邊塵

同前

魚玄機

朝朝送別泣花鈿折盡春風楊柳煙願得西山無樹木免  
教人作淚懸懸

同前三首

王貞白

枝枝交影鎖長門嫩色曾沾雨露恩鳳輦不來春欲盡空  
留鴛語到黃昏

二

水殿年年占早芳  
柔條風裏御爐香  
如今萬乘多巡狩  
符輦路無陰綠草長

三

嫩葉初齊不耐寒  
和寒時拂玉欄干  
征人去日曾攀折  
泣雨傷春翠黛殘

梅花落

吳均

終冬十二月寒風西北吹  
獨有梅花落飄蕩不依枝  
流連逐霜彩散漫下冰澌  
何當與春日共映芙蓉池

同前二首

徐陵郭茂倩樂府作江忽

臘月正月早驚春  
衆花未發梅花新  
可憐芬芳臨玉臺  
朝攀晚折還復開  
長安年少輕薄兩兩常  
唱梅花落

蒲酌金杯

一作

催玉柱落梅樹下宜歌舞  
金谷萬株連綺

薨梅花密處藏嬌  
鶯桃李佳人欲相照  
摘葉牽花來並笑  
楊柳條青樓上輕  
梅花色白雪中明  
橫笛短簫悽復切  
誰知陌梁聲不絕

二

對戶一株梅  
新花屢發材

一作落故裁

驚拾還蓮井風吹上鏡

臺倡家愁思妾樓上  
獨徘徊啼和竹葉錦笑  
罷未能

同前

陳後主

春一作金砌落芳梅  
飄飄上鳳臺  
拂粧疑粉散  
逐溜似萍開  
映日花光動  
迎風香氣來  
佳人早挿髻  
試立且徘徊

同前

張正見

芳梅映雲一作紅野發早覺寒侵落遠香風急飛多花徑深  
周人歎初標魏帝指前林邊城少灌木折此自悲吟

同前二首

江總

標一作縹色動風香羅生枝已長妖姬墜馬鬢未插江南瑞  
轉袖花紛落春衣共有芳一作光蓋作秋胡婦獨採江一作城

南桑

二

胡地少春來三年驚落梅偏疑粉蝶散乍似雪花開可憐  
香氣歇可惜風相催金鏡且莫顧玉笛幸徘徊

同前

楊炯

窓外一株梅寒花五出開影隨朝日遠香逐便風來泣對  
銅鈎幃愁看玉鏡臺行人斷消息春恨幾徘徊

同前

盧照隣

梅院一作嶺花初發天山雪未開處處疑花蒲花邊似雪迴  
因風入舞袖雜粉向粧臺匈奴幾萬里春至不知來

同前

劉方平

新歲梅芳盡一作梅樹繁花一作芭四面同春風吹漸落一夜  
幾枝空少婦今如此長城恨不窮莫將遼海雪來此後庭

中

殿前生桂樹

陳陶

僊娥玉宮秋夜明桂枝拂檻參差瓊香風下天漏丁丁牛

鏡一作韻

渚翠梁橫淺清羽帳不眠恨吹笙棲鳥暗驚僊子落步月  
鬢雲墮金雀蕙樓涼簾翠波空銀縷香寒鳳凰薄東海郎  
為郎斟酌綺疎長懸七星杓

芳樹

梁元帝

芬芳君子樹交柯御宿園桂影含秋色一作隨桃花一作  
染春源落英逐風聚輕香帶藥翻藜枝臨北閣灌木隱南  
軒交讓良宜重成蹊何用言

同前

沈約

發萼九華隈開跗塞路一作露側氛氲非一香參差多異色  
宿昔寒飈舉摧殘不可識霜雪交橫至對之長歎息

同前

費昶

幸被夕風吹屢得朝光照枝低一作偃疑欲舞花開似含笑  
長夜路悠悠所思不可召行人早旋返賤妾猶年一作猶少

同前

顧野王

上林通建章雜樹遍林芳日影桃蹊色風吹梅逕香幽山  
桂葉落馳道柳條長折縈疑路遠用表莫相忘

同前

張正見

竒樹舒春苑流芳入綺錢合歡分四照同心彰一作影萬年  
香浮佳氣裏葉映彩雲前欲識揚雄賦金一作合玉蒲甘泉

同前

丘遲

芳葉復萋萋一作漢嘉實復離離發景傍雲屋凝輝一作輝覆  
華池輕蜂撥浮穎弱鳥隱深枝一朝容色茂千春長不移

同前

盧照隣

芳樹本多奇年華復在斯結翠成新幄開紅蒲故一作枝

風掃花歷亂日度影參差容色朝朝落思君君不知

同前

徐彥伯

玉花珍簾上金縷一作畫屏開曉月憐箏柱春風憶鏡臺

箏柱春風吹曉月芳樹落花朝鞞歇藁砧刀頭未有時攀

條拭淚坐相思

同前

符子珪

芳樹宜三月曈曈艷綺年香交珠箔氣陰占綠庭煙小葉

風吹長繁花露濯鮮遂令穠李兒現折取簪花鈿

同前

李叔卿

春看玫瑰樹西鄰郎宋家門深重暗葉墻近度飛花影拂

桃陰淺香傳李逕斜靚粧愁日暮流涕向窓紗

同前

羅隱

細萼一作藥慢逐風暖香閑破鼻青帝固有心時時漏天意

一作動去年高枝猶壓地今年低枝已顛顛吾所以見造

化之權變通之理春夏作頭秋冬為尾循環反覆無終已

一作反復人生長短同一軌若使威可以制力可以止則

秦皇不肯斂手下沙丘孟賁不合低頭入蒿里伊人強猛

猶如此顧我勞生何足恃但願我開素袍領綠蟻陶陶兀

兀大醉於清宵一作青冥白晝間任他上是天下是地

採蓮

梁簡文帝郭茂倩樂府作梁元帝

一作

採蓮歸綠水好沾衣桂舟蘭橈浮江花一作碧水江花玉面兩  
相似蓮踈藕折香風起香風起白日低採蓮曲使君迷

同前二首

吳筠郭茂倩樂府作梁武帝

採蓮渚窈窕舞佳人遊戲五湖採蓮歸發花田葉芳襲衣  
為君艷一作儂歌世所希世所希有如玉江南弄採蓮曲

二一作採菱曲

菱歌女解珮戲江陽江陽稚女珠腕繩金翠低眉一作搖首紅  
顏興桂棹容與歌採菱歌採菱心未移一作怡翳羅袖望所

思

同前

李康成

採蓮去月沒春江曙翠釵一作細紅袖水中央青荷蓮子雜  
衣香雲起風生歸路長歸路長那得久各廻船兩搖手

同前一作採蓮路

王勃

採蓮歸綠水芙蓉衣秋風起浪鳧飛桂棹蘭橈下長浦  
羅裙玉腕搖輕櫓葉嶼花潭極望平江謳越吹相思苦相  
思苦佳期不可駐塞外征夫猶未還江南採蓮今已暮今  
已暮摘蓮花渠今那必盡侶家官道城南把桑葉何如江  
上採蓮花蓮花復蓮花花葉何重疊葉翠本羞眉花紅強  
如頰佳人不在茲一作茲期悵望別離時牽花憐共蒂折藕愛  
連絲故情無一作何處所新物徒華滋不惜西津交解佩還  
羞北海鴈書遲採蓮歌有節採蓮夜未歇正逢浩蕩江上  
風徘徊一作又值徘徊蓮河夜相逢吳姬越女何丰茸共問



寒光千里外征客關山路一作幾重

同前一作採蓮女

閻朝隱

採蓮女採蓮舟春日春江碧水流蓮花一作承玉釧蓮刺

簪銀鈎薄暮歛容歌一曲氛氲香氣蒲汀洲

同前

鄭愔

綿絳沙棠艦羅帶石榴裙綠縹采荷芰清江日稍曛魚鳥爭唼喋花木相芬氛不覺芳洲暮棹歌處處聞

同前

徐玄之

越艷荆姝慣採蓮蘭橈畫楫蒲長川秋來江水溢如練映水紅粧如可見此時蓮浦珠翠光此日荷風羅綺香纖手周遊不暫息紅英爛熳殊未極夕鳥棲林人欲稀長歌哀

怨採蓮歸

同前

張敬微

遊女泛江晴蓮紅水復清競多愁日暮爭疾畏船傾波動疑釵落風生覺袖輕相看未盡意歸浦棹歌聲

同前

賀知章

稽山罷霧鬱嵒峩鏡水無風也自波莫言春度芳菲盡別有中流採芰荷

同前

李白

若邪溪邊一作採蓮女笑隔荷花共人語日照紅一作粧

水底明風飄羅一作袖空中舉岸上誰家遊冶郎三五

五映垂楊紫駟嘶入落花去覩此踟躕空斷腸

同前

儲光羲

淺渚荷

一作荷

花繁深塘菱

一作潭菱

葉踈獨徃方自獲

一作耻

邀淇上姝廣江無阡陌

一作斷陌

大澤絕方隅浪中海童語流

下斲人居春荻

一作鴈

時隱舟新荷

一作萍

復蒲湖采采乘日

暮不思賢與愚

同前

李頎

越溪女越溪蓮齊齒雙嬋娟嬉遊向何處採摘且同船

浩唱發容與清波生漪漣時逢島嶼泊幾伴鴛鴦眠襟袖

既盈溢馨香亦相傳薄暮歸去來苧羅生碧煙

同前

張朝

朝出沙頭日正紅晚來雲起半江中賴逢隣女曾相識並

著蓮舟不畏風

同前

楊銜

凝鮮霧渚夕陽艷綠波風魚遊乍散藻露重稍歌紅楚客

傷暮節吳娃泣敗藜促令芳本固寧望雪霜中

同前

方干

採蓮女兒避殘熱隔夜相期侵早發指刺春葱腕似雪畫

橈輕撥蒲根月蘭舟遲速有輪贏贏先到河灣賭何物纔到

河灣分首去散在花間不知處

採菊

梁簡文帝

日精麗草散秋株洛陽小婦絕妍姝相喚提筐採菊珠朝

起露濕沾羅襦東方千騎從驪駒更不下山逢故夫

採菱女

費昶

妾家五湖口采菱五湖側玉面不關粧一作雙眉本青色

日斜天欲暮風生浪未息宛在水中央空作兩相憶

同前

劉禹錫

白馬湖秋日紫光菱如錦絲鴛鴦翔一作白馬湖平秋日

盪舟遊女蒲中央採菱不顧馬上郎爭多逐勝紛相向時

轉蘭橈破輕浪長鬟弱袂動參差似影釧紋一作浮蕩漾

笑語哇咬顧晚暉蓼花綠一作綠岸扣船一作歸歸來共到

市橋步野蔓繫船萍惹一作衣家家竹樓臨廣陌下有連

檣多估客携觴薦菱夜經過醉蹋大堤相應歌屈平祠下

沅江水月照寒波白煙起一曲南音此地聞長安北望三

千里

同前

□□□

白日期何去青春只自矜艷歌呈幾曲江畔採新菱望浦

思同濟輕舟喜共乘翠一作葉將眉比色聲與調相應蕩漾

微波散清冷遠水澄更看池際影若對玉壺冰

青青河畔草

何遜

春蘭已應好折花望遠道秋夜苦復長抱枕向空牀吹臺

下促節不言於此別歌延掩團扇何時一相見絃絕猶依

軫葉落栽下枝即此雖云別方我未成離春蘭已集作春蘭園日

同前

沈約

漠漠牀上塵心中憶故人故人不可憶中夜長歎息歎息

想容儀不言長別離別離稍已久空牀寄杯酒

文苑英華卷第二百八

登仕郎胡柯 鄉貢進士彭叔夏 校正

戊寅正月二十一日校宋本增改一百十六字 沅州記

是日為三孫嵩年彌月賀客散後抽暇校此

文苑英華卷第二百八

文苑英華卷第二百九

詩五十九

樂府十八

君馬黃三首

紫騮馬十三首

驄馬驅五首

驄馬八首

白馬十首

發白馬二首附

擬飲馬長城窟九首

走馬引二首

愛妾換馬一首

君馬黃三首

張正見

幽并重騎射征馬正

一作自

盤桓風去嘶聲

一作長嘶

遠冰堅度

足寒出關聊

一作徒

變色上坂屢停鞍即今隨御史非復在

樓蘭

五色乘馬黃追風時滅沒血汗染龍花胡鞍抱秋月唯騰  
渥洼水不飲長城窟詎待燕昭王千金市駿骨

同前

蔡君知

君馬經一作西極臣馬出東方策舉一作浮雲影珂連明

月光水凍恒傷骨蹄寒為踐霜躊躇嗟伏櫪空想欲從良

紫驕馬

梁簡文帝

賤妾朝下機正遇良人歸青絲懸玉鐙朱汗染香衣一作

驟急珂彌響踣多塵亂飛彫菰一作幸可薦故人心一作

莫違

同前

梁元帝

長安美少年金絡鐵連錢一作宛轉青絲鞵照耀珊瑚鞭

依槐復依柳躑躅復隨前方逐幽并去西北共連翩

同前

陳暄

天馬汗如紅鳴鞍度九峻飲傷城下凍嘶依北地風葭一作

寒芳樹歇笛怨柳枝空橫行意未已羞住一作轂車中

同前

李燮

紫燕忽踟躕紅塵起路隅圉人移首宿騎士逐靡蕪三邊

追點虜一鼓定強胡安用珂為玉自有汗成珠

同前

陳後主

嫖姚紫塞歸躑躅紅塵飛玉珂鳴廣路金絡耀長暉蓋轉

時移影香動屢驚衣禁門猶未閉連騎莫一作相追

同前

徐陵

一作

玉鐙繡纏髻金鞍錦覆幪風驚塵未起草淺埽猶空角弓  
連一作穿兩兔珠彈落雙鴻日斜馳逐罷連翩還上東

同前

張正見

將軍入大宛善馬出從戎影絕乾河上聲流水窟中似鹿  
猶依草如龍欲向空須還千萬里試為一追風

同前

獨孤嗣宗

倡樓望早春寶馬度城闔照耀桃花逕躑躅採桑津金羈  
麗初景玉勒染輕塵遠聽珂驚急知一作簡是畫眉人

同前

蘇子卿類聚作祖孫登

候騎指樓蘭長城向一作迴路難嘶從風處斷骨住水中寒  
飛塵暗金勒落淚灑銀鞍抽鞭上關路誰念客衣單

同前

江惣

春草正萋萋蕩婦出金閨識是東方騎猶帶北風嘶楊鞭  
出柳市細蹠下金堤願君憐織絲素殘粧尚有啼

同前

楊炯

俠客重周遊金鞭控紫騮蛇弓白羽箭鶴轡赤茸鞞發跡  
來南海長鳴向北州匈奴今未滅畫地取封侯

同前

盧照隣

騮馬照金鞍轉戰入臯蘭塞門風稍急長城水正寒雪暗  
鳴珂重山長噴玉難不辭橫絕漠流血幾時乾

同前

沈佺期

青玉紫騮鞍騎多影屢盤荷君能剪拂躑躅噴桑乾踠足

一作空  
一作向

一作上

追奔易長鳴遇賞難縱金一萬里霜露不辭寒

驄馬驅

梁元帝

朔方寒氣重胡關饒苦霧白雪晝凝山黃雲夙一作埋樹

連翹一作驄行役子終朝征馬驅試上金微山還看玉關路

同前二首

劉孝威

十五宦期門二十屯邊徼犀羈玉鏤鞍寶刀金錯鞘一隨

驄馬驅分受青繩一作繩且令都護知願被將軍照誓使氍毹衣

鄉掃地無遺噍

二

翩翩驄馬驅橫行復斜趨先救遼城危後拂燕山霧風傷

易水湄日入隴西樹未得報君恩聯翩終不住

同前

徐陵

白馬號一作字龍駒彫鞍名鏤衢諸兄二千石小婦字羅敷

倚端輕掃史一作吏召募擊休屠塞外多風雪城中絕詔書

空憶長楸下連蹠復連跣

同前

江惣

長城兵氣寒飲馬詎為難斲解青絲繫行歇鏤衢鞍白登

圍轉急黃河凍不乾萬里朝飛電論功易走丸

驄馬

車敷

驄馬鏤金鞍柘彈落金丸意欲驂驪走先作野遊盤平明

發下蔡日中過上蘭路遠行須疾非是畏人看

同前

庾抱

櫪上浮雲驄本出吳門中發跡來東道長鳴起北風迴鞍  
拂桂白赭汗類塵紅滅沒徒留影無因圖漢宮

同前

楊炯

驄馬鐵連錢長安俠少年帝畿平似水宮路直如絃夜玉  
裝車軸秋金一作風鑄馬鞭風霜但自保窮達任皇天

同前

沈佺期

西北五花驄來時道向東四蹄碧玉片雙眼黃金瞳鞍上  
留明月嘶間動朔風借君馳沛艾一戰取雲中

同前二首

杜甫

鄧公馬癖人共知初得花驄大宛種夙昔傳聞思一見牽  
來左右神皆竦雄姿逸態何峭崿顧影驕嘶自矜寵隅目

青熒夾鏡懸肉駿礮礮連錢動朝來久試華軒下未覺千  
金滿高價赤汗微生白雪毛銀鞍却覆香羅帕卿家舊賜

公能取天廐真龍此其亞晝洗湏騰涇渭深朝一作晨趨可

刷幽并夜吾聞良驥老始成此馬數年人更驚豈有四蹄  
疾於鳥不與八駿俱先鳴時俗造次那得致雲霧晦冥方

降精近聞下詔喧都邑肯使一作知騏驎地上行

二

安西都護胡青驄聲價欻然來向東此馬臨陣久無敵與  
人一心成大功功成惠養隨所致飄飄遠自流沙至雄姿  
未受伏櫪恩猛氣猶思戰場利躡促蹄高如踣鐵交河幾  
躡層冰裂五色散作雲滿身萬里方看汗流血長安壯兒



不敢騎走過掣電傾城知青絲絡頭爲君老何由却出橫  
門道

右二詩三百四十四卷重出今已削去

同前

楚萬

金絡青驄白玉鞍長鞭紫陌野遊盤朝驅東道塵恒滅暮  
到河源日未闌汗血每隨邊地苦蹄傷不憚隴陰寒君能  
一飲長城窟爲盡天山行路難

同前

紀唐夫

連錢出塞蹋沙蓬豈比當時御史驄逐北自諳深磧路連  
嘶誰念靜邊功登山每與青雲合弄影應一作知碧草同  
今日虞平將換妾不如羅袖舞春風

白馬

沈約

白馬紫金鞍停鑣過上蘭寄言狹斜子詎知隴道難赤坂  
途三折龍堆路九盤氷生肌裏冷風起骨中寒功名志所  
急日暮不遑餐長馳一作驅入右地輕舉出樓蘭直去已垂  
涕寧可望長安匪期定遠封無羨輕車官唯見恩義重豈  
覺衣裳單本持軀命答幸遇身名完

同前

王僧孺

千里生冀北玉鞘黃金勒散蹄去無已搖頭意相得豪氣  
發西山雄風擅東國飛鞚出秦隴長驅繞岷嶷承謨若有  
神稟美良不忒滯泊河水黃參差嶂雲黑安得一作對兒  
女垂帷弄毫墨蕪弱不稱旗後得方爲特至思一作此心亦何

已君恩良未塞不許跨天山何由報皇德

同前

徐悱

研蹄飾鏤鞍飛鞚度河干少年本上即遨遊入露寒劔琢  
荆山玉彈把隋珠丸聞有邊烽急飛候至長安然諾竊自  
許捐軀諒不難召一作兵出細柳轉戰回樓蘭雄名盛李  
霍壯氣勇彭韓能令石飲羽復使髮衝冠要功非汗馬報  
効乃鋒端日沒塞雲起風悲胡地寒西征鹹小月北去腦  
烏丸歸報明天子燕然石復刊

同前

隋煬帝

白馬金具裝橫行遼水傍問是誰家子宿衛羽林郎文犀  
六屬鎧寶劔七星光山虛弓響徹地迴角聲長宛河推勇

氣隴屬擅威強輪臺受降虜高闕剪名王射熊入飛觀校

獵下長楊英名一作雄欺衛霍智策蔑平良島夷時失禮亦

服犯邊疆征兵集薊北輕騎出漁陽進軍隨日暈挑戰逐

星芒陣移龍勢一作騰動營開虎一作鷹翼張衝冠一作寇入死

地攘臂越金湯塵飛戰鼓急風交征旆揚轉鬪平華地一作麗

追奔掃帶方本持身許國况復武功彰會令千載後流

譽滿旂常

同前

王胄

白馬黃金鞭蹀躞柳城前問此何鄉客長安惡少年結髮

從戎事馳名振朔邊良弓控繁弱利劔揮龍淵一作泉披林

扼彫虎仰手接飛鳶前年破一作絕沙漠昔歲取祁連折衝

摧右校拳旗殪左賢昆

一作虎左傳有力如虎者

彌還謝力慶忘本推

儼海外平

一作憑

遐險來庭識負塞

一作職貢愆

三韓勞薄伐六

事指幽燕良家選河右猛將徵西山浮雲屯羽騎蔽日引

長旃自矜有餘勇應募忽爭先王師已得雋夷首諒失作

求全鼓行徇玉檢

一作王檢

乘勝蕩朝鮮志勇期

一作所期大

功立

寧憚微軀捐不羨山河賞唯希竹素傳

同前

辛德源

任俠重芳辰相從兢逐春金羈絡赭汗紫陌映

一作縷應紅塵

寶劍橫

一作提

三尺瑠弓韜六鈞鳴珂蹀細柳飛蓋出匱春

遙見浮雲

一作光

發懸識隴頭人

同前

杜甫

白馬東北來空鞍貫雙筈前可憐馬上即意氣今誰見近時

主將戮中夜商餘戰喪亂死多門嗚呼涕如霰

同前

李白

龍馬花雪毛金鞍五陵豪秋霜切玉劍落日明珠袍鬪鷄

事萬乘軒蓋一何高弓摧南山虎手接泰山猿酒後競風

彩三盃弄寶刀殺人如剪草劇孟同遊遨發憤去函谷從

軍向臨洮叱咤經百戰

一作萬戰場

匈奴盡波濤歸來使酒氣

未肯拜

一作下

蕭曹羞入原憲室荒徑隱蓬蒿

同前

賈至

白馬紫連乾嘶鳴丹闕前聞珂自躑躅不要下金鞭

同前

翁綬

一作進

文苑英華卷一百九

渥洼龍種雪霜同毛骨天生膽氣雄  
金埒乍調光照地玉關初別遠嘶風  
花明錦檐垂楊下露濕朱纓細草中  
一夜羽書催轉戰紫髯騎出佩駢弓

發白馬

費昶

家本樓煩倍投募羽林兒怖羗角  
觝戲習戰昆明池弓弛不復挽劍衣  
恒露鉞一辭豹尾內長別屬車垂白馬  
今雖發黃河未結漸寄言閨中婦逢春  
心勿移

此詩元編在白馬門按樂府白馬乃津名故加發字與白馬不同今移于後

擬飲馬長城窟

陳後主

征馬入他鄉山花此夜光離群嘶向影  
因風屢動香月色

含城暗秋聲雜色長何以酬天子馬革報疆場

同前

王褒

北走長安道征旅

一作騎

每經過戰垣臨八陣門樓

一作對

兩河屯兵戢隴北飲馬傍城阿雪深無復道冰合不生波

塵飛連陣聚沙平騎跡多昏昏隴底日

一作月

耿耿霧中河

羽林猶角觝將軍尚雅歌臨戎常拔劍蒙險屢提戈  
秋風鳴馬首薄暮欲如何

同前

張正見

秋草朔風驚飲馬出長城群驚還怯飲地險更疑行傷水

一作水

飲

凍足畏冷急寒聲無因度吳坂方復入羗城

同前

示從征羣臣

隋煬帝

蕭蕭秋風起悠悠行萬里萬里何所行橫漠築長城豈台  
小子智先聖之所營樹茲萬代策安此億兆生詎敢憚焦  
思高枕於上京西河執一作北武節千里倦一作戎旌山  
川互出沒原野窮超忽擬金止行陣鳴鼓興士卒千乘萬  
騎動飲馬長城窟秋昏塞外雲霧暗關山月綠岩驛馬上  
乘空烽火發借問長城一作安候單于入朝謁濁氣淨天山  
晨光照高闕釋兵仍振旅要荒事方舉飲至告言旋歸功  
清廟前

同前

唐太宗

塞外悲風切交河水已結瀚海百重波陰山千里雪迴戍  
危烽火起作層巒引高節悠悠卷旆旌飲馬出長城寒沙

連騎遊朔吹斷邊聲胡塵清玉塞羌笛韻金鉦絕漠干戈  
戢車徒振原隰都尉反龍堆將軍旋馬邑揚麾氛霧靜紀  
石功名立荒裔一戎衣雲臺凱歌入

同前

虞世南

馳馬渡河干流深馬渡難前途錦車使都護在樓蘭輕騎  
猶銜勒疑兵尚解鞍温池下絕澗殘道接危巒拓地勳方  
未一作賞亡城律詎寬有月關猶暗經春隴尚寒雲昏無復  
影冰合不聞湍懷君不可遇聊持報一餐

同前

袁詡

朔風動秋草清蹕長安道長安道一作城連不窮所以隔華戎  
規模唯聖作負荷曉成功鳥庭已向內龍荒更鑿空玉關

塵卷靜金微路已通揚一作征隨北怨舞一作詠起南風  
畫野一作地功初立綏邊事云集朝服踐狼居凱歌旋馬邑  
山響傳鳳吹霜華藻瓊斂屬國擁節歸單于款關入日落  
寒雲起驚河被原隰零落葉已寒河流清且急四時徃役  
靜千載干戈戢太平今若斯汗馬意一作竟無施唯當事筆  
硯歸去草封禪

同前

陳標

日日風吹虜騎塵年年飲馬漢宮人千堆戰骨那知主萬  
里枯沙不辨春浴谷氣寒愁墜指絳崖冰滑恐傷神金鞍  
玉勒無顏色淚滿征衣怨暴秦

同前

釋子蘭

遊客長城下飲馬長城窟馬嘶聞水腥為浸征人骨豈不  
是流泉終不成潺湲洗盡骨上土不洗骨中冤骨若逐水  
流一作水四海有還魂空流嗚咽聲聲中疑一作是骨言

走馬引

張率

良馬龍為友玉珂金作羈相去京一作宛與洛半驟復平一作  
半馳倏忽而千里光景不及移九方惜未見薛公寧所知  
歛轡且歸去吾畏路傍兒

同前

傅縡

驄一作色表連錢出冀復來燕取用偏開地為歌乃號天權竒  
意欲遠躡蹀勢難前本珍白玉鐙因飾黃金鞭願酬芻秣  
寵千里得千年

愛妾換馬

張祜

一百天桃千里蹄芳

一作嬌

姿駁骨價應齊試

一作牽玉勒

趨一作辭

金埒

一作棧

初

一作催

整花鈿出繡闈去日豈無霑袖

一作袂

泣別時猶解

一作時還

一作歸

頓銜嘶嬋娟蹀躞春風暮

一作乘

揮手搖鞭楊柳堤

文苑英華卷第二百九

登仕郎胡

柯

鄉貢進士彭

叔夏

校正

文苑英華卷第二百九

此卷訂正七十四字廿一日三鼓

文苑英華卷第二百十

詩六十

樂府十九

臨高臺八首

登高臺一首

上之回五首

釣竿篇四首

箜篌謠二首

箜篌引二首

公無渡河四首

苦熱十二首

苦寒六首

猛虎行四首

臨高臺

梁簡文帝

高臺半行雲望望不可

一作高不

極草樹無參差山河同一色

髣髴洛陽道道遠難

一作別

識玉階故人情一作情人情來苦

共一作相憶

同前

張正見

層臺邈清漢出迴架重禁飛棟臨黃鶴高牕度白雲風前

朱幔一作幌色霞處綺疏分此中多怨曲地遠詎能聞

同前

沈約

高臺不可望遠望使人愁連山無斷絕河水復悠悠所思

竟一作暖何在洛陽南陌頭可望不可見一作至何用解人愁

同前

蕭愨

崇臺高百尺迴出望仙宮畫拱浮朝氣飛梁照晚虹小衫

飄霧殺艷粉拂輕紅笙吹效陽篠琴奏嶧山桐舞逐飛龍

引花隨少女風臨春今若此極宴豈無窮

同前

褚亮

高臺暫俯臨飛翼聳輕音浮光隨日度漾影逐波深迴瞰

周平野開懷暢遠矜一作襟獨此三休上還傷千里心

同前

王勃

臨高臺高臺迢遞絕浮埃瑤軒綺構何崔嵬鸞歌鳳吹清

且哀俯瞰長安道萋萋御溝草斜對甘泉路蒼蒼茂林樹

高臺四望同帝鄉佳氣鬱葱葱紫閣丹樓紛照耀碧房錦

殿相玲瓏東彌長樂觀西指未央宮赤城映朝日綠樹搖

春風旗亭百墜開一作開新市甲第千蕙分戚里朱輪翠蓋

不勝春疊樹層楹相對起復有青樓大道中繡戶文窓雕

綺櫺錦衣晝不褰羅帷夕未空歌屏朝掩翠粧鏡晚窺紅

爲吾安寶髻娥眉罷花叢狹路塵間黯將暮雲開月色明

大苑生華 卷之三



如素鴛鴦池上兩兩飛鳳凰樓下雙雙度物色正如此佳  
期那不顧銀鞍繡轂盛繁華可憐今夜宿倡家倡家少婦  
不須嘆東園桃李片時春君看舊日高臺處栢梁銅雀尚  
一作生黃塵

同前

沈佺期

高臺臨廣陌車馬紛相續迴首思舊鄉雲山亂心曲遠望  
河流緩周看原野綠向夕林鳥還憂來飛景促

同前

王易從

漢主事和連良人在高闕空臺寂已暮愁坐變容髮汎艷  
春幌風徘徊秋戶月可憐軍書斷空使流芳歇

登高臺

王僧孺

試出金華殿聊登銅雀臺九路平如掌一作砥千門乘晚一作  
洞開軒車映日至一作過簫管逐風來若非邯鄲美便是洛  
陽才

上之回

蕭愨

發軔城西疇迴輿事北遊山寒石道凍葉下故宮秋朔路  
傳清警邊風卷盡旒歲餘巡省畢按節一作擁返皇州

同前

陳子良

承平重遊樂詔蹕上之回屬車響流水清笳轉落梅嶺雲  
蓋道轉巖花映綬開下輦便高宴何如在瑤臺

同前

盧照隣

回中道路險蕭關烽候多五營屯右一作北地萬乘出西河

單于拜玉璽天子按琱戈振旅汾川曲秋風橫大歌

同前

沈佺期

制書下闕右天子門回中壇墀經過遠威儀侍從雄黃麾  
搥晝日青幟曳松風廻望甘泉道龍山隱漢宮

同前

李白

三十六離宮樓臺與天通閣道步行月美人愁煙空恩踈  
寵不及桃李傷春風淫樂意何極金輿向回中萬乘出黃  
道千旗揚綵虹前軍細柳北後騎甘泉東豈問渭川老寧  
邀襄野童但慕一作秋暮瑤池宴歸來樂未窮

釣竿篇

劉孝綽

釣舟畫彩鷁漁子服冰紈金轄茱萸網銀鈎翡翠竿促棹

一作飲隨水脉急艇渡江湍一作急湍湍長自不亂前浦有

佳期船交撓一作棹影合浦深魚出遲荷根時觸餌菱芒乍

冒絲連渡江南手衣渝京兆眉垂竿自有一作棹樂誰能為

太師

同前

張正見

結宇長江側垂釣渡一作廣川潯竹竿橫翡翠桂髓擲黃金

人來戲一作水鳥沒檝渡岸花沉蓮搖見魚近綸盡覺潭深

渭水終須卜滄浪徒自吟空嗟一作明芳餌下獨見有貪心

同前

李巨仁

潺湲面江海滉漾驅波瀾不惜黃金餌唯憐翡翠竿斜綸  
控急水定檝下飛湍廻風來易川長霧歇難寄言朝市

客滄浪徒自安

同前

劉孝威

試持玄渚釣魚暫罷池陽獵翠羽飾長綸藻花裝小艦釣利  
斷蓴絲帆舉牽菱葉聊載前魚童還看後舟妾

筮篔篹

□□□

結交在相得骨肉何必親耳言無忠實世薄多蘇秦從風

暫靡草富貴上昇人一作真不見高巔樹摧抗下為薪豈其

一作日觀井中泥時至出作塵

同前

李白

攀天莫登龍走山莫騎虎貴賤結交心不移唯有嚴陵及

光武周公稱大聖管蔡寧相容漢誼一斗粟不與淮南春

兄弟尚路人行一作路吾心安所從他人方寸問山海幾千重

輕言托託朋友對面九疑疑峯多花必早落桃李不如松管鮑

久已亡一作死何人繼其蹤

筮篔篹又曰公無渡河

李賀

公乎公乎提一作擣壺將焉如屈平沉湘不足慕徐衍一作羨

入海誠為愚公乎公乎牀有筮音席盤有魚比里有贇兄東

隣有小姑攏音缸油油黍與葫瓦音瓶濁醪蟻浮浮黍可食醪

可飲公乎公乎其一作可柰居被髮奔流竟何如贇兄小姑

哭鳴鳴

此詩三百三十五卷重出今已削去

李憑箏篔篹引

前人

吳絲蜀桐張高秋空白凝雲顏不流湘娥啼竹素女愁李  
憑中國彈箜篌崑山玉碎鳳凰叫芙蓉泣露香蘭一作蘭香笑  
十二門前融冷光三十三弦動紫篁一作皇女媧鍊石補天  
處石破天驚逗秋雨夢入神仙教神姬老魚跳波瘦蛟舞  
吳質不眠倚桂樹露脚斜飛濕寒兔

公無渡河

劉孝威

請公無渡河河廣風威厲檣偃落金烏舟傾沒一作柁糾蓋  
空嚴祠白馬徒牲祭街石傷寡心崩城掩孀袂劔飛猶共  
水魂沉魄俱逝君爲川后臣一作神妾作江妃姊

同前

張正見

金堤分一作紅錦纜白馬渡蓮舟風嚴歌響絕浪急一作湧傍

人愁棹折桃花水帆橫竹箭流何言沉壁處千載偶陽侯

同前

李白

黃河西來決崑崙咆哮萬里觸龍門波滔天堯咨嗟大禹  
理百川兕啼不窺家殺湍湮洪流一作水九州始蠶麻其害  
乃去茫然風沙被髮之叟狂而癡清晨徑一作臨流欲奚爲  
傍人不惜妻止之公無渡河苦渡之虎可搏河難馮公果  
溺死流一作沉海湄海湄有長鯨白齒若雪山公乎公乎挂  
骨於其間筮篋所悲竟不還

同前

陳標

陰雲颯颯浪花愁半度驚湍半挂舟聲盡雲天君不住命  
懸魚鬣妾同休黛娥芳臉垂珠淚羅襪香裾赴碧流餘魄

豈能銜木石獨將遺恨付筵篔

苦熱

梁簡文帝

六龍驚不息三伏啓炎陽寢興煩几案俯仰倦帷床滂沱

汗似淪一作霏微風如湯洄池愧生浪蘭殿非含霜細簾

時半掩輕幌乍橫張雲斜花影没日落荷心香願見洪崖

井誰一作憐河朔筋

同前

任昉

旭日煙雲卷烈景入東軒傾光望轉蕙斜日照西垣既卷

蕉梧葉復傾葵藿根重簟無冷氣挾石似懷溫霖霖類珠

綴喘赫狀雷奔

同前

何遜

昔聞草木焦今覩沙石爛曠曠風逾靜曠曠日漸軒習靜

闕一作衣中讀書煩几案卧思清露挹一作坐待高明一作

星燦蝙蝠户中飛蟻蠓窓間亂實無河朔飲空有臨淄汗

遺金自不拾惡木寧無幹願以三伏晨催促九秋換

同前

劉孝威

日暮苦炎溽遷坐接長廊月麗姮娥影星含織婦光栖禽

動夜竹流螢出閣墻香盤糝鮮一作粉雕臺一作承蔗漿

白羽徒搖幄綠水自周堂弱紈猶覺重織絺尚一作少涼

弄風思漢朔戲雨憶吳王玄木術難驗赤道漏猶長誰能

更吹律還令黍谷涼

同前

王筠

一作  
中  
會

一作  
微靡

日域散朱雱天隅歛青靄飛光煥南陸炎津湧北瀨繁星  
聚若珠密雲屯似蓋月至每開衿風過時解帶

同前和樂儀同

度信

火井沉熒散炎洲高燄通鞭石未成雨鳴鳶不起風思爲  
鸞翼扇願借光明宮臨淄迎子禮中散就安豐美酒合作  
含蘭氣甘瓜開蜜筒寂寥人事屏還得隱墻東

同前

杜甫甫時爲華州功曹

七月六日苦炎蒸對食暫飡還不能每愁夜中自足蝎况  
乃秋後轉一作復多蠅束帶發狂欲大叫簿書何急來相仍

南望青松架短絕一作絕壑空能赤脚踏層冰

奉和李大夫同呂評事太行苦熱行兼寄院中諸

公仍呈王員外

劉長卿

迢迢太行路自古稱險惡千騎儼欲前群峯望如削火雲  
從中起仰視飛鳥落汗馬卧高原危旌倚長薄清風何不  
至赤日方煎鑠石露一作枯山木焦鱗窮水泉涸九重今旰

食萬里傳明略諸將候軒車元兗愁鼎鑊何勞短兵接自  
有長纓縛通越事豈難渡瀘功未博朝辭羊腸坂夕望貝  
丘郭漳水斜鏡營恒山遙入幕未懷姑蘇下因寄建安作  
白雪和難成滄波意空託陳琳書記好王粲從軍樂早晚  
歸漢廷隨公一作君麟閣

五言酬薛員外詎苦熱行見寄 僧皎然

六月金數伏茲辰日在庚炎曦爍一作曝肌膚毒靄昏性情

一作壽霧安得奮輕一作翮遙出雲征不知天地心如

何匹生成火德燒百卉瑤草不及榮有客當此時忽貽懷

中瓊捧翫煩衿滌嘯歌善一作美風生遲君佐元氣調使四

序平中令霜不祆火餘氣常貞江南詩騷客休吟苦熱行

苦熱行

王穀

祝融南來鞭火龍火旗焰焰燒天紅日輪當午凝不去萬

國如在洪爐中五嶽翠乾雲彩滅陽侯海底愁波竭何當

一夕金風發為我掃却天下熱

同前

僧鸞一作巒

燭龍銜火飛天地平陸無風海波沸彤雲疊掛竒峯長焰

焰流光蕪凝翠煙島搏鵬鵠雙翅翥羲和赫怒強總轡飲流

夸父斃長途始見當中印王字明明夜西朝又東古來有

道仍在中扶桑老葉蔽不得輝華直上凌蒼穹一作空萬人揮汗

翻成雨口燥喉乾隘塵土西郊雲色晝冥冥如何不放一作

救生靈苦何山恠木藏蛟龍縮鱗卷鬣為垂慵不發滂澤

注天下欲使風雲何所從一作旱苗原上枯成焰嶽靈徒祝無

神驗豪家簾外喚清風水紋明角鋪長簾玉扇盡堂凝夜

秋歌艷遶梁催莫愁陽烏落盡酒不醒扶上西園當月樓

廢由喝死非吾屬庫有黃金倉有粟

苦寒

喬知之

胡天夜清迥孤雲獨飄颻遙裔出鴈關逶迤含晶光陰陵

久徘徊幽都無夕陽祁寒凍巨海殺氣流大荒朔風吹水

一作除

寒行子覆履胡霜路有從役倦卧死黃沙場羈旅因相  
依慟之淚沾裳由來從軍行賞存不賞亡亡謝誠已矣徒  
令存者傷

同前三首

杜甫

漢時長安雪一丈牛馬毛寒縮如蝟楚江巫峽冰入懷虎  
豹哀號又堪記秦城老翁荆楊客慣習炎蒸歲締綌玄冥  
祝融氣或交手持白羽未敢釋

二

去年白帝雪在山今年白帝雪在地凍埋蛟龍南浦縮寒  
割肌膚北風利楚人四時皆麻衣楚天萬頃一作無晶輝  
三足之烏骨一作足恐斷羲和送之將安歸一作送將安所歸又作送送歸

歸

同前二首

前人

南紀巫廬瘴不絕太古以來無尺雪蠻夷長老怨苦寒崑  
崙天關凍欲一作應折玄猿口禁不能嘯白鵠翅垂眼出一作  
血安得春泥補地裂

二

曉一作曉來江邊失大木猛風中夜飛一作欠白屋天兵新一作  
斷斬一作斬青海戎殺氣南行動坤軸不爾苦寒何其一作太酷巴  
東之峽生凌漸彼蒼翅幹人得知

同前

劉駕

百泉凍皆咽我吟寒更切半夜倚喬松不覺蒲衣雪竹竿

一作今

一作副



有甘苦我愛抱苦節鳥聲有悲歡我愛口流血潘生若解  
吟更早生白髮

猛虎行一作吟

儲光羲

寒亦不憂雪饑亦不食人人肉一作血豈不其所惡傷明神

太虛為我宅孟門為我隣百獸為我膳五龍為我賓蒙馬

一何威浮江亦以仁綵章曜朝日爪牙一作牙爪雄武臣高雲

逐氣浮厚地隨聲震君能賈餘勇日夕長相親

同前

李白

行作一作朝作又作行亦一作暮作猛虎吟一作坐作又作坐亦一作行腸斷

非關隴頭水淚下不為雍門琴旗旌繽紛兩河道戰鼓驚

山欲顛倒秦人半作燕地囚胡馬翻銜洛陽草一輪一失

關下兵朝降夕叛幽薊城巨鰲未斬海水動龍魚奔走安

得寧頗似楚漢時翻覆無定止朝過博浪沙暮宿一作淮

陰市張良未遇韓信貧劉項存亡在兩臣斃到下邳受兵

畧來投漂母作主人賢達一作哲悽悽古如此今將棄擲一作

亦棄今持青雲士有策不敢干一作犯龍鱗竄身南國避胡塵寶

書長劒束一作推高閣金鞍駿馬散故人昨日方為宣城客

掣齡交通二千石有時六博快壯心遶牀三匝呼一擲楚

人每道張旭奇心藏風雲世莫知三吳邦伯多顧盼四海

豪一作推俠皆相推蕭曹亦一作會作沛中吏攀龍附鳳皆一作

當有時漂陽酒樓三月春楊花茫茫愁殺人胡鵝綠眼吹

玉笛吳歌白紵飛梁塵丈夫相見且為樂椎牛搗鼓會眾

一作務

賓我從此去釣滄海得魚笑寄情相親

同前

張籍

南山北山樹冥冥猛虎白日遶村

一作林

行向曉

一作晚 一身

當道食此

一作山

中麋鹿盡無聲年年養子在深谷雌雄上

下不相逐谷中近窟有山村

一作林

長向林中

一作村家

取黃犢

五陵年少不敢射空來林下看行跡

同前

李賀

長戈莫椿強弩莫抨乳孫哺子教得生儻舉頭為城掉尾

為旌東海黃公愁見夜行道逢騶虞牛哀

牛哀化鹿也

不平何

用尺刀壁上雷鳴泰山之下婦人哭聲官家有程吏不敢

聽

文苑英華卷第二百十

登仕郎胡

柯

鄉貢進士彭

叔夏

校正

此卷據宗本勘正一百一字

戊寅正月二十一日藏園老人記



文苑英華卷第二百十終

